



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2677, datë 21.04.2016

Për

“Dhënien e Autorizimit Individual sipërmarrësit “Plus Communication” sh.a., për përdorimin e frekuencave në brezin 1970 – 1980 MHz çiftuar me 2160 - 2170 MHz”.

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Anila	Denaj	Anëtar
4. Znj. Ketrin	Topçiu	Anëtar
5. Znj. Klarina	Allushi	Anëtar

dhe sekretare Znj.Sara Reçi, në mbledhjen e datës 21.04.2016, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, dhe Rregullores së Brendshme të AKEP, miratuar me Vendimin Nr. 2506, datë 30.10.2014 të Këshillit Drejtues të AKEP, shqyrtoi çështjen me objekt:

“Për dhënien e Autorizimit Individual sipërmarrësit “Plus Communication” sh.a., për përdorimin e frekuencave në brezin 1970 – 1980 MHz çiftuar me 2160 - 2170 MHz”.

BAZA LIGJORE:

1. Shkronja g, e nenit 8, nenet 62 deri 79 të ligjit 9918 datë 19.05.2008 “Për Komunikimet Elektronike në Republikën e Shqipërisë” (ligji nr. 9918, i ndryshuar me ligjin nr. 102/2012 “Për disa ndryshime dhe shtesa në ligjin nr. 9918, datë 19.5.2008 “Për komunikimet elektronike në republikën e Shqipërisë”);
2. Ligji Nr. 8485 datë 12.05.1999, “Kodi i procedurave administrative”;
3. VKM Nr. 468, datë 30.05.2013 “Për miratimin e planit kombëtar për zhvillimin e broadband-it”, i ndryshuar;
4. VKM Nr. 300, datë 08.04.2015, për “Disa ndryshime dhe shtesa në Vendimin Nr. 468, datë 30.05.2013, të Këshillit të Ministrave, për “Miratimin e planit kombëtar për zhvillimin e Broadband-it””.
5. VKM Nr. 466, datë 27.2.2013 “Për miratimin e Planit Kombëtar të Frekuencave”;
6. Vendimi Nr. 1252, datë 10.9.2008, i Këshillit të Ministrave “Për miratimin e rregullave të zhvillimit të tenderit publik, për dhënien e së drejtës së përdorimit të frekuencave”, i ndryshuar;

7. Vendimi Nr. 635, datë 15.07.2015, i Këshillit të Ministrave “Për disa ndryshime në vendimin Nr.1252, datë 10.09.2008 të Këshillit të Ministrave, për miratimin e rregullave të zhvillimit të tenderit publik, për dhënien e së drejtës së përdorimit të frekuencave, të ndryshuar”;
8. Rregullore për Autorizimin Individual, miratuar me Vendimin e Këshillit Drejtues të AKEP Nr. 2395, datë 15.12.2013;
9. Vendim Nr. 2673, datë 07.04.2016 të Këshillit Drejtues, për Miratimin e Raportit Përmbledhës të KVO-së dhe Njoftimin e Fituesve të Tenderit publik me procedurë të hapur me objekt: “Dhënia e të drejtave të përdorimit në brezin e frekuencave 1970 – 1980 MHz çiftuar me 2160 - 2170 MHz dhe 5 MHz spektër i paçiftuar 1915 - 1920 MHz”, Ref.2-2x5+5-2016;

K Ë S H I L L I D R E J T U E S :

Nga shqyrtimi i materialit shkresor, të përbërë nga:

- Kopje e Faturave të pagesave të kryera nga sipërmarrësi “**Plus Communication**” sh.a.
- Relacion shpjegues mbi Projekt-Vendimin (*Relacioni*);
- si dhe,
duke i’u referuar diskutimeve në mbledhje mbi çështjen, bazës ligjore të sipërcituar.

V Ë R E N :

1. Këshilli Drejtues i AKEP, me Vendimin Nr. 2673, datë 07.04.2016 për Miratimin e Raportit Përmbledhës të KVO-së dhe Njoftimin e Fituesve të Tenderit publik me procedurë të hapur me objekt: “Dhënia e të drejtave të përdorimit në brezin e frekuencave 1970 – 1980 MHz çiftuar me 2160 - 2170 MHz dhe 5 MHz spektër i paçiftuar 1915 - 1920 MHz”, Ref.2-2x5+5-2016 miratoi:
 - a) Raportin Përmbledhës të Komisionit të Vlerësimit të Ofertave, në të cilin oferta e sipërmarrësit “Plus Communication ” sh.a. identifikohet si ofertë fituese.
 - b) Njoftimin e Fituesit, sipas Shtojcës 18 - Formulari i Njoftimit të Fituesit.
2. AKEP, bashkëlidhur shkresës Nr. 365/16 Prot., datë 07.04.2016 i ka dërguar “Plus Communication” sh.a., Formularin e Njoftimit të Fituesit, Nr. 365/15 Prot., datë 07.04.2016, sipas Shtojcës 18, të përfshirë në dokumentacionin e tenderit.
3. “Plus Communication” sh.a. brenda afatit 7 (shtatë) ditë, nga data marrjes së Formularit të njoftimit të fituesit, njoftoi kryerjen e pagesave, të mëposhtëme:
 - a) Çmimin prej 20% të vlerës të ofertuar në shumën **417.616 (katërqind e shtatëmbëdhjetë mijë e gjashtëqind e gjashtëmbëdhjetë) Euro**, datë 13.04.2016, në Llogarinë bankare me emërtim: *Qeveria Shqiptare*.
 - b) Pagesa vjetore (për 9 muaj) **1,260,000 (Një milion e dyqindë e gjashtëdhjetë mijë) Lekë**, për përdorimin e frekuencave për një të drejtë përdorimi nga 2 blloqe, 2x5 MHz secili bllok, nga spektri i çiftuar i brezit 2100 MHz siç përcaktohet në Dokumentat e Tenderit, datë 13.04.2016.
 - c) Pagesa vjetore (për 9 muaj) **7,429,500 (Shtatë milion e katërqindë e njëzet e nëntë mijë e pesëqind) Lekë**, për tarifën e shërbimit për shërbimet e radiokomunikimit, për një të drejtë përdorimi nga 2 blloqe, 2x5 MHz secili bllok, nga spektri i çiftuar i brezit 2100 MHz siç përcaktohet në Dokumentat e Tenderit, datë 13.04.2016.

Pagesat sipas pikës a) dhe c) të mësipërme, janë kryer në Union Bank, për *Qeverinë Shqiptare* në EUR me Nr: AL89 1011 1008 0000 0000 2111 001E dhe në llogarinë bankare të AKEP, në Lek me Nr: AL30214112090 111113869030117.

Pagesa sipas pikës b) të mësipërme, është kryer në Raiffeisen Bank në llogarinë bankare të AKEP, në Lek me Nr: AL02202110130 000000100004670.

P Ë R K Ë T O A R S Y E:

Bazuar në sa më sipër, në kompetencat që i janë dhënë nga:

1. Ligji Nr. 9918, datë 19.05.2008, për "Komunikimet Elektronike në Republikën e Shqipërisë", i ndryshuar, gërma g, neni 8, nenet 62 deri 79, neni 114 dhe neni 115;
2. Ligji Nr. 8485, datë 12.05.1999 "Kodi i procedurave administrative";

V E N D O S :

1. Të pajisë sipërmarrësin "Plus Communication" sh.a. me Autorizim Individual për përdorimin e frekuencave të brezit 1970 – 1980 MHz çiftuar me 2160 - 2170 MHz, sipas dokumentit bashkëlidhur këtij Vendimi.
2. Sipërmarrësi duhet të fillojë shfrytëzimin e frekuencave brenda 2 (dy) muajve, nga data e marrjes së këtij Autorizimi Individual.
3. Afati i vlefshmërisë së Autorizimit Individual për përdorimin e frekuencave të brezit 2100 MHz të fituara nëpërmjet tenderit me objekt "*Dhënia e të drejtave të përdorimit në brezin e frekuencave 1970 – 1980 MHz çiftuar me 2160 - 2170 MHz dhe 5 MHz spektër i paçiftuar 1915 - 1920 MHz*", Ref.2-2x5+5-2016", do të jetë 15 (pesëmbëdhjetë) vjet.
4. Sipërmarrësi Plus Communication sh.a., duhet të kryejë pagesat e kësteve sipas Kalendarit të Pagesave në Aneksin 3, pjesë përbërëse e Autorizimit Individual.
5. Moskryerja sipas afatit e pagesave me këste duke filluar nga pagesa e dytë çon në revokimin e autorizimit individual nga AKEP dhe konfiskimin e sigurimit të ofertës.
6. Ky vendim të publikohet në faqen e internetit www.akep.al.

Ky vendim hyn në fuqi në datën e miratimit të tij.

K R Y E T A R

Piro XHIXHO

ANËTARËT E KËSHILLIT DREJTUES:

1. Alban KARAPICI _____

2. Anila DENAJ _____

3. Ketrin TOPÇIU _____

4. Klarina ALLUSHI _____